



Inatsisartunut ilaasortamut  
Nivi Olsen  
Demokratit

27-01-2023  
Suliap normua. 2023 - 1277  
Allakkat. 22278491

Postboks 260  
3900 Nuuk  
Oqarasuaat. (+299) 34 50 00  
Nassitsigasuaat (+299) 34 66 66  
E-mail: iian@nanoq.gl  
www.naalakkersuisut.gl

## Ilaqutariinnut siunnersortinut tunngasoq § 37-imut apeqquteqaat nr. 007-2023-mut akissut

Asasara Nivi Olsen.

Apeqqutinut qujanaq. Apeqqutigineqartut tullinguuttuni ataasiakkaarlugit uteqqinneqarput akineqarlutillu.

**1. Narsami aammalu Kullorsuarmi ilaqutariinnut siunnersortit ukiut marluk suligasuartussanik pilersitsissagaanni Namminersorlutik Oqartussanut aningaasatigut allaffissornikkullu suut kingunissarai? Katillugit sisamaasunut (piffinnut marlunnut marluk) pikkorissarnerit/ilinniartitsinerit, ukiut marluk akissarsiaqartitsinerit, piffinni marlunni allaffeqartitsinernut, pikkorissartoqartillugu/ilinniarnermi angalanernut aammalu suligasuarnermut nalilersuinissamut aningaasartuutit ilanngunneqassapput.**

Aningaasartuutissat suliniutip qanoq ilusilersornissaanut aalajangersimasumut apeqqutaassapput. Sulisut ilinniakkatigut tunuliaqutaannut akissarsianut aningaasartuutit apeqqutaassapput. Pikkorissarnernut/ilinniakkanut sorliit pisariaqarnersut aningaasartuutininut apeqqutaassapput aammalu tassani sulisut ataasiakkaat sunik tunuliaqutaqarnersut apeqqutaalluni. Assersuutigalugu perorsaasut, meeqqat atuarfiani ilinniartitsisut imaluunniit allanik ilinniakkanik attuumassusilinnik ilinniarsimasut eqqaaneqarsinnaapput, tassani ilaqutariinnut siunnersortit ilinniaqqissimaneq aallaavigineqarluni.

Taamaattumik aningaasatigut allaffissornikkullu kingunerisassat pillugit naatsorsuinnginnermik paasissutissanik allanik sulii pisariaqartitsivugut.



## 2. Ilaqutariinnut Siunnersortinut isumassarsiaq Naalakkersuisut qanoq isumaqarfigaat?

Ilaqutariit nukittorsarnissaannut Naalakkersuisut isumaqataapput. Naalakkersuisut meeqqat ilaqutariillu inuuniarnermikkut atugarliortut atugaasa pitsanngornissaat ukkatarivaat. Ilaqutariit inuuniarnermikkut sunik pisariaqartitsineri inissisimanerisa Kommunit sulinerminni qanoq isumaqarneri aallaavigissallugit pingaaruteqartoq isumaqarput. Kommunit ilaqutariinnik pikkorissartitsinissaminnik pisariaqartitsillutik Naalakkersuisunut eqqaanikuunngilaat. Maannakkut ilaqutariit illuisa aqqqissugaaneri annertuumik ukkatarivaat. Ilaqutariit illui, ilaqutariinnik aqqutissiuisunik angerlarsimaffimmilu pulaartartuunik amerlanerit peqarput taakkua suliassaqarfinni arlalinni Ilaqutariinnut Siunnersortinut paarlanteqarput. Naalakkersuisut kommunit oqaloqatigerusuppaat siunissami Ilaqutariinnut Siunnersortit siunissami piginnaasaqarnikkut periarfissaasinnaassanersut paasiniallugu.

Inussiarnersumik inuulluaqqusillunga

Mimi Karlsen